



蜀中邊防記卷之二

閩中曹學佺能始著



川西二

威州 保縣 茂州 疊溪 汶川 灌縣

威茂道開府茂州轄威保疊茂諸將領而叅將一員駐劄茂州遊擊將軍一員駐劄疊溪寔左右之○威州通志曰禹貢西戎即敘今松茂威保以接于吐蕃是也亦謂之西番先本羗屬凡百餘種散處河湟江岷間其酋發羗唐旄等居析支水西南涼禿髮利鹿孤之後也利鹿孤有子曰樊尼初利鹿孤卒時樊尼

尚幼弟儁檀嗣位以樊尼為安西將軍後魏神瑞元年儁檀為西秦乞佛熾盤所滅樊尼招集餘眾投沮渠蒙遜以為臨松太守及蒙遜滅樊尼乃率眾西奔濟黃河逾積石居跋布川或邏婆川於羗中建國開地千里樊尼威惠夙著為羗羗所懷皆撫以息信歸之如市遂改姓為宰勒野以禿髮為國號語訛謂之吐蕃其國都城號為邏些城隋開皇中有論贊索者居泮河西唐貞觀中始通中國既而滅吐谷渾盡有其地焉按吐谷渾鮮卑種也沈約宋書曰譙縱亂蜀之歲鮮卑阿豺遣其從子西疆攻吐谷渾救來沈拓

土至龍洞平康元嘉二十七年鮮卑慮索虜復生遣使上表云若不自固者欲率部曲入龍洞越雋門并求牽車馱烏丸帽女國金酒器胡王金釧等物太祖賜以牽車者也○唐初貞觀八年吐蕃弄贊奉表求婚不許乃進兵攻破党項及白蘭諸羗率其眾二十餘萬頓松州西境遣使貢金帛云來迎公主又謂其屬曰若大國不嫁公主與我即當入寇遂進攻松州都督韓威輕騎覘賊反為所敗邊人大擾太宗遣吏部尚書侯君集牛進達等率騎步五萬以擊之進達先鋒自松州夜襲其營斬千餘級弄贊大惧引兵而

退遣使謝罪因復請婚太宗許之弄贊乃遣其相祿
東贊致禮獻金五千兩其餘寶玩數百事儀鳳三年
令益州長史李孝逸檄州都督拓王奉等發劔南山
南兵幕以防禦之往劔南兵幕於茂州之西南築安
戎城以壓其境俄有生羗為吐蕃鄉導攻陷其城遂
引兵守之時吐蕃盡收羊同党項及諸羗之地東與
涼松茂雋等州相接南至婆羅門西又攻陷龜茲疎
勤等四鎮北抵突厥地方萬餘里自漢魏以來西戎
之盛未之有也開元二十四年散騎常侍崔希逸為
河西節度使於涼州鎮守時吐蕃與漢榭柵為界置

守捉使詔以岐州刺史蕭昊為戶部侍郎判涼州事
代希逸為河州節度使鄯州都督杜希望為隴右節
度使太僕王昊為益州長史劔南節度使分道經畧
略以討吐蕃仍令燬其分界之碑二十六年四月杜
希望率衆攻吐蕃新城拔之以其城為威武軍發兵
一千以鎮之其年七月希望又從鄯州發兵奪吐蕃
河橋於河左築監泉城吐蕃將兵三萬人以拒官軍
希望引衆擊破之因於監泉城置鎮西軍時王昊又
率劔南兵攻其安戎城先於安戎城左右築兩城以
為攻拒之所頓兵於蓬婆嶺下運劔南道資糧以守

之其年九月吐蕃悉銳以救安戎城官軍大敗兩城
并為賊所隘吳脱身走免將士以下數萬人及軍糧
資仗等並沒於賊吳坐左遷括州刺史以華州刺史
張宥為益州長史劍南防禦使主客員外郎章仇兼
瓊為益州司馬防禦副使宥既文吏素無攻戰之策
兼瓊遂專其戎事俄而瓊入奏盛陳取攻安城之策
上甚悅徒宥為光祿卿拔瓊知益州長史事代宥節
度二十八年春兼瓊密與安戎城中吐蕃翟都局及
維州別駕董承宴等通謀都局等遂翻城歸款因引
官軍入城盡殺吐蕃將士使監察御史許遠率兵鎮

守之上聞甚悅中書令李林甫等上表曰伏以吐蕃
此城正當衝要憑險自固恃以窺邊積年以來蟻聚
為患縱有百萬之衆難以施功陛下親紆秘策不興
師旅頃令中使李思敬曉喻羗族莫不懷思翻然改
圖自相謀陷神筭運於不測睿略通於未然果載逋
誅一朝蕩滅又臣等今日奏事陛下從容問臣等曰
卿等但看四夷不久當漸摧喪德音終降遽聞戎捷
則知聖與天合應如響至前古以來所未有也請宣
示百寮編諸史策手制荅曰此城儀鳳年中羗引吐
蕃遂被固守歲月既久攻伐亦多其地險阻非力所

制朝廷羣議不合取之朕以小畜無知事須處置授以奇計所以行之獲彼戎心歸我城守有足為慰也其年十月吐蕃又引眾寇安戎城及維州章仇兼瓊遣裨將率眾禦之仍發關中彊騎以救援烏時厲凝寒賊久之自引退詔改安戎城為平戎城大曆三年劍南西川亦破吐蕃萬餘眾五年五月徒置安悉拓靜恭五州于山陵要害之地以脩吐蕃大曆十一年正月劍南節度使崔寧大破蕃故洪等四節度兼突突厥吐渾互變羗党項等二十餘萬眾斬首萬餘級生擒螞城兵馬使一千三百五十人獻于闕下牛羊

及軍資器械不可勝紀十二年九月入寇坊州掠党項羊馬而去十月崔寧破吐蕃望漢城十四年八月命太常少卿章倫持節使吐蕃統蕃俘五百人歸之十月吐蕃率南蠻眾二十萬來寇一入莽州過汶川及灌口一入扶文過方維白壩一自黎雅過邛崃關連臨郡邑乃發禁兵四千人及幽州兵五千人同討大破之十二月崔寧復奏於西山破吐蕃十萬斬首八千生擒九百人。德宗之世萬年章臯為西川節度使城龍溪築西山堡以納降羗臯以雲南蠻眾數十萬與吐蕃和好蕃人入寇必以為前鋒四年臯遣

判官崔佐時入南詔蠻說令向化以離吐蕃之助佐時至蠻國羊咀咩城其王異牟尋忻然接遇請絕吐蕃遣使朝貢其年遣東蠻鬼王驟傍苴夢衝苴烏等相率入朝南蠻自雋州陷沒臣屬吐蕃絕朝貢者二十餘年至是復通五年臯遣大將王有道簡習精卒以入蕃界與東蠻於故雋州臺登北谷大破吐蕃青海臘城二節度斬首二千級生擒十五人其投崖谷而死者不可勝計貞元八年臯攻吐蕃于維州敗之獲其大將論贊熱獻于京師先是監州城為吐蕃所毀塞外無保障九年詔城監州策虜且來襲令臯出

出師牽圍之臯命大將董勳張芬分兵出西山靈關破峩和城通鶴軍定廣城踰滴博嶺遂圍維州搏栖鷄攻下羊溪等三城取劍山屯焚之南道元帥論莽熱來援與戰破其軍拔白崖焚定康故城凡平柵堡五十餘所斬首二千八百級乃城監州由是西山羗八國酋長皆請入朝十年臯復敗吐蕃克峩和城獨維州不下十六年臯累破吐蕃一萬餘衆於黎州雋州吐蕃遂大搜閱築壘造舟潛謀寇邊臯悉挫之於是吐蕃酋帥兼監臘城等九節度使嬰龍官馬定德大將八十七人舉部落來降定德有計略習知兵法

及山川地形吐蕃每用兵定德常乘驛計事蕃中諸將稟其成算至是自以扞邊失律惧得罪而歸心焉十七年吐蕃昆明城管磨些蠻千餘戶又降贊普以其衆外潰遂北寇靈朔臨麟州德宗遣使至成都府令舉出兵涼入西山以紓北顧舉乃令鎮靜軍兵馬使陳洎等統兵萬人出三奇路威戎軍使崔堯臣兵千人出龍溪石門南路維保二州兵馬使仇冕保霸二州刺史董振等兵二千趨吐蕃維州城中壯路兵馬使邢玘等兵四千趨吐蕃樓鷄老翁城都將高周王英俊兵二千趨故松州隴東路兵馬使元膺等復

分兵八千人出南道雅黎舊路又令鎮南軍使御史大夫韋良金兵一千三百續進雅州經略使路惟明等兵三千趨吐蕃通祖備松等城黎經畧使王有道兵二千人過大渡河涼入吐蕃界舊州經畧使陳孝陽兵馬使何大海韋義等及磨些蠻東蠻三部落王苴那時等兵四千進攻昆明城諾濟城自八月出軍齊入至十月破蕃兵十六萬拔城七軍鎮五戶二千擒生六千斬首萬餘級遂進攻維州救軍再至轉戰千里蕃軍連敗於是寇靈朔之衆引而南下贊普遣論莽熱以內大相兼東境五道節度兵馬都統羣物

大使率雜虜十萬來解維州之圍蜀師萬人據除要
設伏以待之先出千人挑戰莽熱見我師少悉眾來
追發伏掩擊鼓譟雷駭蕃兵自潰虜眾十萬殲夷者
半生擒論莽熱獻諸朝進舉檢校司徒中書令南康
郡王御製紀功碑褒賜之舉治蜀十三年凡破吐蕃
四十八萬斬首五萬餘。後自南詔入寇敗杜元穎
而郭釗代之病不能事。文宗太和四年以李德裕
檢校兵部尚書成都尹劍南西川節度副大使知節
度事管内觀察處置西川八國雲南招撫等使德裕
乃大葺關防繕完兵守又遣人入南詔求其所俘工

匠得僧道工巧四千餘人歸成都扶殘奮懦皆有條
次成都既南失姚協西止松維由清溪下沫水而左
盡為蠻有始韋舉招徠南詔復雋州傾帑以結蠻好
教之戰陣文法裕以舉啟戎咨盜養成癰疽第未決
耳至穎時過隙而發故長驅深入叛別千里蕩無孑
遺今瘡痍尚新非痛矯革不削刷一方耻乃創籌邊
樓按南道山川除易與蠻相出入者圖之左與吐蕃
密迤者圖之右其部落眾寡饋餽遠近曲折咸具乃
召習邊事者與之指畫商訂凡虜之情偽盡知之又
料擇伏庫舊獠與州兵之任戰者發遣惇耄十三四

士無敢怨又請甲人於安定弓人於河中帑人於朔
西由是蜀之器械皆犀銳率戶二百取一人使習戰
勿貸事緩則農急則戰謂之雄邊子弟其精兵曰南
葵保義保蕙兩河慕義左右連弩騎士曰飛星鷲擊
奇鋒流電霆擊突騎總十一軍築伏羲城以制大渡
清溪關之阻作禦侮城以控榮經犄角之勢作柔遠
城以扼西山吐蕃復邛崃關徒雋州治臺登以奪塞
除要簡去蜀兵羸弱者四千餘人復幕火壯得千人
幕北又得千五百人與土兵叅居轉相訓習日益精
練初蜀人多鬻女為人妾德裕為著科約凡年十三

而上執三年勞下者五歲及期則歸之父母以繁生
齒威惠大振太和五和吐蕃維州將悉怛謀以城降
維距成都四百五里因山為固東北由索叢嶺而下
三百里地無險走長川不三千里直吐蕃之牙異嘗
戍之以制虜入者也其地南界江陽岷山連嶺而西
不知其極北望隴山積雪如玉東望成都若在井底
一面孤峯三面臨江是西蜀控吐蕃之要也至德後
河隴陷蕃唯此州尚存吐蕃利其險要將婦人嫁與
此州閹者二十年後婦人生二子成長及蕃兵攻城
二子內應其州遂陷吐蕃得之號曰無憂城貞元中

韋臯鎮蜀經畧西山八國萬計取之不獲至是悉怛
謀遣人送款德裕疑其詐遣人送錦袍金帶與之託
云候取進止悉怛謀乃盡率郡人歸成都德裕乃發
兵鎮守聞之於朝時牛僧孺沮議言吐蕃之境四面
各萬里失一維州未能損其勢比來修好約罷戍兵
中國禦戎守信為上彼若未責曰何事失信養馬蔚
茹川上平涼坂萬騎綴回中怒氣直辭不三日至咸
陽橋此時西南數千里外得百維州何所用之徒棄
誠信有害無利此匹夫所不為况天子乎上以為然
詔德裕以其城及悉怛謀等悉歸之吐蕃僇之於境

上極其慘酷德裕終身以為恨會監軍使王踐言入
朝盛言悉怛謀死拒遠人向化帝意亦悔之武宗朝
名僧孺出為淮南節度使德裕面奏曰臣在先朝出
鎮西蜀其時吐蕃維州首領悉怛謀雖是雜虜久樂
皇將彼堅城降臣本道尋差兵馬入據其城飛章以
聞光帝驚嘆其時與臣不足者望風嫉臣遂獻疑言
上因宸聽以為與吐蕃盟約不可背之必恐將此為
辭侵犯郊境詔臣還却此城兼執送悉怛謀等令彼
自戮復降中使迫促送還昔白起殺降終於杜郵致
禍陳湯見徒是為郵支報仇感歎前事愧心終日今

者幸逢英主忝備台司輒敢追論伏希省察且維州據山絕頂三面臨江在戎虜平川之衝是漢地入兵之路初河隴盡沒此州獨存吐蕃潛將婦人嫁與此州門子二十年後兩男子長成竊開壘門引其兵夜引入因奔陷沒號曰無憂因併力於西邊遂無虞於南路憑陵近甸宵旰累朝貞元中韋臯欲經畧河湟須以此城為始盡銳萬旅急攻累年吐蕃愛惜既甚遂遣窮論莽熱來援堆堞高峻臨衝難及於層霄烏逞屈盤猛士多糜於礪石莫展公輸之巧空擒彼將而還及南蠻負息掃地馳劫臣初到西蜀衆心未安

外揚國威中緝邊備其維州執臣信令乃送款與臣臣告以須俟奏聞所冀探其情偽其志恒謀尋率一城之兵衆并州印甲伏塞途相繼空壁歸臣：即大出牙兵受其降礼南蠻在列莫敢仰視况西山八國隔在此州比帶使名都成虛語諸羗久苦蕃中征役願作大國王人自維州降後皆云但得臣信牒帽子便相率內屬其蕃界合水棲鷄等城既失除阨自須抽歸可減八處鎮兵坐收千里舊地臣見莫大之利乃為恢復之机繼具奏聞請以酬賞臣自與錦袍金帶顯侯詔書且吐蕃維州未降以前一年猶圍魯州

以此言之豈守盟約况臣未嘗用兵攻取彼自感化
未降又沮議之人不知事實犬戎遲鈍土曠人稀每
欲乘秋犯邊皆須數歲就食臣得維州踰月未有一
使入疆自此之後方應破膽豈有慮其後怨鼓此游
詞臣受降之時指天為誓寧忍將三百餘人性命棄
信偷安累表上陳乞垂矜赦答詔嚴切竟令執還加
以体披桎梏昇於竹畚及將就路叫寃呼天將吏對
臣無不流涕其部送者便曹蕃帥訊謂曰既以降彼
何須送來乃却將此降人戮於漢界之上恣行殘害
用固携離乃至擲其嬰孩承以槍墮臣聞楚靈誘殺

蚩春秋明訊周文外送鄧叔簡冊冰鄙况乎大國負此
異類絕忠款之路快克虐之情從古以來未有此事
臣實痛悉但謀舉城受酷由臣陷此無辜乞慰忠魂
特加褒贈帝意傷之尋詔贈悉但謀右衛將軍○初
贊皇作西南備邊錄其序畧云吐蕃開釁河隴失除
締從南詔協以謀我井絡坤維我圍孔棘守臣韋臯
鑿清溪道要結蚩好特鹿效順乃纂集事狀為卷十
七質幣結轍闔戶誨盜爰命德裕改紀其政乃建籌
邊樓立雄邊子弟作伏羲禦侮柔遠三城以阮虜衝
猶慮敵志去而備弛凡兵將糧械之數城鎮種落之

名歲計經用之目講求利病輯為一書諸羣虛實外
夷情狀條分縷析燦如指掌初立碑壘咸以朱書圖
之仍總小圖以標之首卷為按備邊錄第四卷叙維
州本末尤詳唐末吐蕃衰弱種類分散入內屬者謂
之熟戶餘謂之生戶薄示羈縻而已宋時朝貢不絕
其首領喃廝羅始居鄯州後徙青塘即青塘嶺是也
青羗所居矣宋史吐蕃青羗首領奴兒結等為邊害
十餘年制置使留正以計擒殺之盡殲其党趙汝遇
代為制置使奴兒結弟三開復叛汝愚縣重賞以間
羣蠻三開不能孤立憂死汝愚以定青羗功加秩即

即此種元憲宗始於河州置吐蕃宣慰司都元帥府
云○保縣志云出縣循南岸行一日又北渡大江至
雜谷安撫司可八十里又十里為無憂城故址尚存
按雜谷即古維州唐太中和陷於吐蕃其首即悉怛
謀種矣○國初有阿漂者以捍虜功授勅印為雜谷
安撫同知歲餘薄糧於維州番倉三年一貢其地有
上碛下碛去無憂城百里去縣倍之前臨沱水後倚
高山南接三姐西接孟董南抵達思北抵東布又東
至八稜碛與韃虜密迓歲終發兵番萬餘備糧械入
碛防守至次年除夕更班保邊教寧以雜谷為之保

障也達思蠻長官金川禪師及打喇兒草坡六寺龍
山以西諸寨皆隸焉。達思蠻長官司在雜谷西五
十里其先嚴泰與阿漂同功給印信授為長官。家
字記云隋開皇六年以石門鎮近白狗羗故於金川
鎮置金川縣唐武德七年以屬維州貞觀初廢三年
復置按今金川寺其故處也寺僧巴橐監藏及莽葛
刺以有戒行得祿蕃都綱永樂初黃毛鞋犯界金川
僧招麻喇防禦有功事聞賜號演化禪師及勅命銀
印俾其徒世守也地居雜谷安撫之東管十五寨東
北至八稜碛西至保縣南至棧城百五十里後漸衰

弱見駢於襍谷遷其族於董卜界上志云教場是金
川寺地未詳。打喇兒寨土舍居威南路在文鎮河
西先曾糾黑虎夷為邊害正德間歸順奏准納貢頒
賜勅書冠帶無印信遇貢赴雜谷起文又有只臺寨
蕃。保志西北生蕃有孟董十八寨三國孟獲董卜
之裔也謂之孟董蕃亦名董卜韓胡唐時哥鄰君董
卧庭等求內附處其衆于維壩等州居小鐵圍山去
縣可七八日程東抵雜谷八稜碛模坡河在東如卜
河在北即古之孫水也南流雅州以牛皮為船既渡
則曝皮于岸上候乾復用焉永樂八年歸附進貢授

宣慰使司都指揮同知貢道有三一由雜谷入稜磧
出保縣一由清溪口出崇慶州一由靈閣出雅州近
與雜谷不睦故直由雅安。又曰松茂威疊大勢如
一身然松潘首也疊溪項與喉也茂州腹也東之土
門西至威與汶保其手足也然餘皆在江內惟保獨
居江外縣以東為舊番即箭上里之編戶叛去者地
土相連樸採共路懷異志而漏華情莫此若矣又云
縣北熟番二股一路為水田星上龍山等寨向背不
常一路為近縣玉山十二寨稍。易馴正北野番有
梁荒梭城五十餘寨直連松州黑水號為野管國初

初御史大夫丁玉用色銀鑄鏡以誘之即此夷也。
維州志曰白狗嶺與大雪山連後有白狗羗居之寰
宇記曰白狗國者西羗之別名與會州連接勝兵一
千唐武德六年有使朝貢開元二十九年十月白狗
國四品寵官蘇唐封及狗冉川五品寵官薩阿封等
至京各賜金紫玉帛以遣之貞元九年七月其王陀
羅忽與女國等詣劍南西川節度使常臯內附詔授
試太常卿兼保州司馬至今子孫承襲其爵云按白
狗國女國俱在西山八國之數韋臯使銜兼節制西
山八國即此也杜甫西山詩夷界荒山頂蕃州積雪

邊築城依白帝轉粟上青天蜀將分旂鼓羗兵助鎧
鋌西南皆和好殺氣日相纏又云子弟猶冰入關城
未解圍蚕崖鐵馬瘦灌口米船稀辯士安邊策元戎
決勝威今朝烏鵲喜欲振凱歌○夷四考曰維州路
生番最多有名可攷者曰孟董梁黃梭城月上星上
龍山龍溪大寺小寺等寨設一關六堡以戊之關曰
鎮夷堡曰保縣曰新安曰乾溪曰西平曰壩州曰坡
底而坡底附近龍山竹打大寺小寺等蒲宅太子憤
寨而龍山最強舊有龍戍有城唐書廣德元年吐蕃
陷維州籠山城是也按唐薛逢送西川梁常侍之新

寨龍山城錫賚兩州刺史及部落酋長詩云聖主憂
夷貊屯師剪束欽皇家思眷裕星使忽登臨用命期
開國遠天必釁礎化頑均草樹思不間飛沉東馬凌
蒼壁捫蘿上碧岑瘴川風自熱剗閣氣長陰迅瀨從
天急危橋入地涼仰觀唯一徑俯瞰即千尋水作新
城帶山為古壘襟東開洞君聽南關納蠻心渥澤濡
三部衣冠化雨林帶文雕白玉符理篆黃金鳥道經
印梵星纏過甯參回軒如睿獎休作苦辛吟蓋亦指
此也○壩州堡附近龍溪卜南木上諸寨與北路黑
苦三姐生番相通每歲耕獲既有蓋蒞輒以礪兵劫

奪為事按即保霸蠻也方輿云威州之保霸蠻者唐保霸二州天寶中所置後陷沒首董氏世有其地與威州相錯因霸羈縻焉嘉祐熙寧中常請朝命政和初知成都龐恭孫建言開拓置官吏迺以保州地為祺州霸州地為亨州授其首刺史團練使。按宋史董氏世知保州太平興國五年保州刺史董奇死以其子詔重繼之又云董仲元者襲職二十餘年安靜無事嘉祐中益州鈐轄司表其善撫蠻夷乃真命為刺史其時有鷄州亦遣人貢馬鷄州未詳疑即古定廉縣今之金川寺故史謂西南邊地有鷄州保州矣

○四夷風俗記曰維州諸番日務射獵夜風磳房炙羊膈以卜吉凶分善惡以為黑白以戰死為善終以相殺為廝打父子兄弟大則讐殺轉眼相背不知骨肉有大小姓猶言大小族也董卜金川俱屬小族雜谷達思俱屬大族志云其生一產雙子乳右者為小又云射旄牛者為大射綿羊者為小二姓相間而居丁大夫玉克復其地始分之蓋使犬牙相制云耳。歲時不用官曆知歲時者為端公如辰年則畫十二龍或卧或行因形而推之他像亦然番僧衣佛經推筭日月蝕及甲子建除毫釐不差大率以十月為一

歲○嫁娶富者以猪羊毛粘布足粟火為礼其賻裝
資必須生子之日數人俟於路口其女潛出要至其
家方焚香宰羊牛會親○人死則坐尸於水架上置
之倉舍衣帽弓矢俱如生佩服端公呪經獻以猪羊
用火燒之○男子剪髮止留其頂髮下垂服用作力
麻不穿褲不洗面婦人俱編髮如綫飭以海巴磳磳

茂州

華陽國志冉駘國漢時苻以東北君長十數冉駘最
大武帝元鼎六年所開以為汶山郡至宣帝地節三
年夷人以立郡賦重帝乃省并蜀郡為北部都尉其

山有六夷七羌九氐各有部落其王侯頗知文書後
漢靈帝時復分蜀郡北部為汶山郡蜀建興十年汶
山平康夷反姜維討之始服寰宇記云石室冉駘夷
人所造者十餘大山巖之間往來有之○宋史茂州
羗蠻地方數十里舊領羈九州皆蠻族蠻自推一人
為州將常在茂州受處分舊州無城惟植植鹿角蠻
昏夜入州掠人畜貨賣遣州將往贖之習以為常宋
神宗熙寧八年范百常知茂州民請築城既而酋長
訐稱城侵其地乞罷築百常不許九年三月始興工
靜蠻數百奄至百常率州兵擊斬數人蠻乃退百常

遷民入牙城明日蠻數千人四面焚魚角及盧舍引
梯衝攻牙城矢石雨下百常悉衆乘城拒守二酋長
為木偶所殺蠻兵乃却茂州南有鷄宗關通永康軍
北有隴東道通綿州皆為蠻所據百常募人間道詣
成都又書木牌數百投江中告急蜀綿兵救之蠻始
解圍誓和自是蠻人稍定百常亦以築城生患坐奪
一官既而生羗合群蠻復至相拒七十日詔遣內押
班王中正將陝西兵來援入恭州宕州誅殺頗衆蠻
遂降政和五年有直州將鄧永壽陽延俊董承有等
各以地內屬詔以永壽地建壽寧軍延俊承有地置

延寧軍然與寧祺二州皆非扼控之所未幾皆廢。
一統志云國朝設茂州以統羗民設茂州衛以統軍
伍軍居城內民居城外羗兀和誓輸平羊棘耒耜各
一乃縛劍門於誓場首豪皆集引於劍門下遇刺牛
羊豕血軟飲之掘地為坎縛羗婢坎中加耒耜及刺
於上投石擊婢以土埋之巫師咀云有違誓當如此
婢。土夷考云茂州東路生番白草最強大而白草
又與松潘黃毛韃虜相通桃紅青片板舍次之白苦
水磨岐山又次之有犯守官轄桃坪神溪夾山等凡
七關堡。桃坪者去白草青片諸番一四五十里志

謂古桃閔也見水經註閔通四城之路北當風穴一
二間里晝夜沙石飛揚不息寰宇記云故桃閔在汶
南八蠻界公私之路俱泛於此有繩橋渡江認守桃
坪者為隴木司○隴木頭長官司茂之隴木里也國
初以酋長歸附授承直郎世襲長官歲常貢馬二疋
所屬玉亭神溪十二寨俱為編氓有保長統之○又
有靜州長官司茂之靜州里也襲官貢馬與隴木同
正德間與岳希蓬節孝為亂攻茂城斷水道七日節
貴弟車勺潛引水以活我軍事平使車平襲官職法
虎核桃溝八寨編戶為氓有保長統之認守北定門

至閔子堡按靜州即唐之悉唐縣矣宋史曰塗靜當
真時飛宕恭等九州蠻皆羈縻州也環茂州而居州
不過數十里而已按唐茂州都督府羈縻州九靜州
其一已見前矣維翼二州後進為正州即今疊溪所
也第其名與宋史不同附載之以俟攷焉○塗州唐
武德元年臨塗羗歸附置領臨塗端源婆覽三縣貞
觀元年州縣俱省三年又分茂州之端源戍置塗州
縣有端源臨塗悉隣三縣與州同置○炎州貞觀五
年生羗歸附置西封州八年改為炎州縣有大封慕
仙義川○徽州唐貞觀五年西羗酋董州貞歸化

置縣有文徹俄耳文進。○向州唐貞觀五年生羌歸
化置縣有俱左向二。○丹州本徼外歛才羌地貞觀
六年置西丹州九年去西字縣有丹山磨山玉溪金
水。○寧州貞觀五年生羌歸附置西博州八年改為
寧州縣有小川徼當壁川當博恭耳。○葭州貞觀七
年白狗羌降附置西恭州八年改為葭州縣有遂都
亭勸北思。○恭州開元二十四年分靜州廣平縣置
恭州仍置博恭烈山二縣天寶元年改為恭化郡乾
元元年復為恭州本屬隴右道後割屬劍南道其屬
縣有和集博恭烈山。○土夷攷曰茂州南路生番惟

曲山三寨界在西南兩路之間稱強惡餘皆熟番有
把守官轄鳳門文鎮七星宗渠四關堡河以外則屬
岳希蓬也。○岳希蓬長官司國初歸附賜襲長官三
年貢馬二疋正德間長官坤卜作亂伏誅使其弟坤
元襲職管波西水渴、勒都等七寨隸茂州衛當差
編戶於州水西里有保長統之認守勒都龍嘴等處
地方。○土夷攷曰茂州北路有長寧安撫司其先曆
日寨首也國初歸附屢有從征功賜勅印世為安撫
使月俸四石三年一貢久未襲官使王舍護印而已
姓蘇氏管鑿溪章貢等六寨有把守、轄長寧寶大

韓胡椒園松溪等八閩堡。○長寧堡實大閩附近巴
豬五族及大小厝日稱最強悍。○韓胡椒園附近恰列
寺韓胡椒水磨溝等寨而恰列寺皆番僧也原給有
勅書三年一貢。○椒園堡附近後溝烏都及河東之
法虎挿共六寨俱靜州屬羗也往來茂地貿易與居
民伍。○松溪堡附近黑苦七族番衆二千有奇嘉靖
間攻圍堡城絕我餉道要我重賂乃解至今尚歲費
撫賞四百金有奇。○經略志云正德十三年巡撫都
御史宗滄克平壩底白草諸寨諸夷猷侵地二千餘
頃又克平茂州鷄公寨十五年長寧等處涼淺諸寨

番蠻聲言復讐求索賞需兵備副使朱紈督同叅將
遊擊將軍提兵搗巢擒其首惡餘黨俱以次降年例
賞需盡行裁革至今西陲安靖諸蠻不復弄兵開邊
隙矣。○紈有茂邊記事其詞曰嘉靖丙申季春乙丑
護林之北來遠之南長寧古驛之墟穆肅兩河之會
有戎不軌倡自三溝群醜弗威陰連二姓稔兇殘於
殺越肆睥睨於轉輸神矣臬鶴作慮惟窺日入秘如
鬼域欺人至擬天驕急峽鯨奔呼吸繫千之命重閩
櫛比安危引一髮之鈞天意伐謀地隣告變周郎分
間夜傳銅虎之符龔尉名家早試金箚之鏃群饗太

沮一芥不遺兕出桺而猖狂豕負塗以躑躅嬰此方
張之寇四路無雙動皆以律之師三城有恃警聞叅
府建節星馳令下岳希刻期雲合累官都督何無忘
之策勲獨將遊兵杜祁公之敵愾松州遣騎臨翼移
屯乃控上游互為策應蜀山吠日百尔隨聲用徹驚
霆紛如怒臂外結河西諸部日擾邊陲內要山後諸
酋徑趨我圍積威攸劫競傳市井訛言故態復萌追
咎轅門惜賞所賴九重神算炳在琅函時惟西院英
名茂沆錦里才兼將相河陽潘岳之孫風樹紀綱吳
郡陸机之裔芎莢並採臂指相通遂收渙而定疑聿

聿勸忠而鼓銳三溪設險可塹可城六哨分工且矛
且鉞臺因山澤圖永逸於暫安陣寄烏龍鎮大禁於
至靜應兵隴木一戰枯樵梟俊黑橋群奔瓦解核垂
再熾達觀花水之遺龍鬚夾持進扼燕崖之隘先人
默奪劇寇潛逋伺間道於夜涸坐收要害獲細姦於
時出巧中机宜旌旗與白日交輝號令為雪山增重
縱橫應敵三軍不損一人遠近執俘一月豈惟三捷
賈金貴介獨馳不測之巔手及元兇兩奪群攻之具
膚公尤烈脇汶皆降惟彼深溝猶茲跋扈於伋翔而
弗下蘭石為驅萬夫蕙尔莫前常山以絕老師非計

密使與權昭物采以犒軍侈壺漿而馬道狼貪可笑
甘心葛伯之邀鳩毒晉懷駢首中山之卧荆棘介然
成路叱咤生風桑榆藉此收功譁張虜竇光韜巨闕
言戰爭銛敵櫟蕭墻峯峯禦侮斷案得中丞之斧辨
失儀秦突圍迎驟騎之韉惟交平勃既叅而伍乍合
而離虛寔相形正奇互用鑿山通徑故左道以傳疑
卷甲銜枚忽中宵而乘懈懸崖壁立未遑鄧氏之粘
分部蟻登亟櫟漢家之幟盡連碣于一炬燭萬劫之
遺寬數襟虜於橫戈刷千工之涼耻淺渾伊迓一夕
亡唇老穉相攜四山崩角事懲姑息恢張擒縱之規

亂問厥由克制短長之命衆輸心而悔罪爭縛渠魁
至斯指而祈恩一遵約束剗牛泉杪飼馬雲端斲息
仰天之寓勒銘張口之石月初建未日則先庚黑水
再清溪閔重闢壯士歌而崑崙應妖氛淨而斗斗光
偉我主帥之功展也多賢之輔智慧信惟乘勢號咷
終有同人徵調無煩旁縣不聞金革公私大省居民
盡仰幘幪彼媚嫉者何為竟提幡乎何益嗟呼夷狄
古無深治兵家未有常形處置得宜韓與取捷忠邪
易位陳塹為夷慎蕭氏之金甌白茅斯重碎范增之
玉斗瓦礫可殊語要無他任人而已送歷年之多難

慨當事之寡謀舍耕織于專門玉人急教徂採樵於
近利天除爭雄千里徵兵驅市人而浪戰一言遣將
率子弟以與尸野心從此日驕士氣至今不振或吹
鑿而過計每破釜而失聲吝出納於平時急撫和於
歸陣堂：中國不羞城下之盟赴：武夫盡剗心頭
之肉校人飾詐謂彼昏而不知祈父招尤慘多瘠而
固詔馴致逐年之禍無如五寨之深江山助彼金湯
道路出其門戶防秋死別一戍數千未歲生還什無
四五摧髮已窮於甲士褫衣不免于戶侯彼美督軍
呈身三宿有雄驍騎遮道千金魏磨覘我垣墉日若

戕人肘腋有山如障未則高巢有坎如隍履同平地
孤城鞏固誰開近賊之門福將尊榮莫究折衝之志
蒙茸北郭牧唱吞聲咫尺西橋鬼門騰號狗彘貴於
人命貌貅賤同草菅章璽稔克神人共憤倖勲死事
日月為昏上帝聞腥旋轉廓清之運元臣秉鉞鑿開
混沌之天罪惡貫盈宜俾根株悉拔除膚起信乃惟
旦夕而圖徃血猶爭虞旌倏下倉皇失措馬高已死
之金喪亂既平人惜有功之袴徒兒解體髦士弛擔
乏承殊類杞憂環視漠如越瘠言猶在耳戎循生心
試觀四起之塵夫豈一朝之故及今乃戒尚事因循

厥禍長流將何紀極彼其之子東高周乎幾年亦獨
何心壞長城乎萬里塞胸諸難未聞決策聳人銷骨
巧詞祇見幸災禍福身如謀國何嫌殿上之爭賊已
渡河尚作道傍之舍百年之算肯歛首以推棊六月
之師但駕言於揮扇肩山欲蹶腹劍反攻太阿不識
倒持宏詞何用手板已看倒執高論猶存嗟乎內有
諛夫外多勍敵阪高難合息壤無盟肘雖掣而力自
前踵未旋而亂逆沮人見田單厲氣遂收三月之功
孰知神禹至誠會奏七旬之格豎儒幾敗乃事支德
方隆蔡功惟斷乃成名賢在位匪人匪地惟動惟天

蓋忠良不病於扼腕斯夷虜無憂於猶夏天冠地履
自循萬古之常秋殺春生孰爽四時之令是非如鏡
賞罰快人英雄有樂元之心沙漠盡宣威之地嗟乎室
家安枕所東藩籬七劑奏功寧辭瞑眩靡監莫非王事
匪躬乃見王臣紫塞歸驂耆老垂漢官之涕清萍長
價將軍全振主之身而栢府持衡宏啟清平之宴玉
堂秉筆大書全勝之樓白面何能躬逢盛事彤弓載
咏共醉佳辰念一時共事之情成百折不回之義有
痛更深於定惟亡乃保其存爰紀諸艱用酬同志○
陳子昂蜀川安危書云臣伏見四月二十日勅廢同

昌軍蜀川百姓每見免五十萬丁運復實大蘓息然
松茂等州諸羌首領二十年来利得此軍財帛糧餉
致富已潤屋今一旦停廢失其大利必是勾引生羌
詐作警固以恐動我若松茂等州無好都督則此詐
必行旦夕驚固必有發者一發之後警動蜀州朝廷
不知徵兵赴救兵至賊散靡弊更甚伏乞選擇茂州
都督嚴加斥堠乃命御史一人專在按察若有詐妄
即錄奏稱加法以徵其姦庶可久長安帖不然受其
弊者不勝勞瘁已夫蜀川運糧既停百姓更無重役
至於租庸合富府庫今諸州逃走戶口有三萬餘在

蓬渠果合遂等州山林之中不屬州縣土豪大族阿
隱相容徵歛驅後皆入國用其中遊手惰業亡命之
徒結為光火大賊依憑林除巢穴其中若以甲兵捕
之則鳥散山谷如州怠慢則劫殺公行比來訪聞有
人說逃在其中者攻城劫縣徒眾日多誠可特降嚴
加勅令州縣長官與吏人設法大招此戶則劫賊徒
党自然除殄其三萬戶租賦即可富國若縱而不括
以養賊徒蜀州大弊必是未息天恩乞此請乞作條
例括法聖曆元年五月十四日通直郎行右拾遺陳
子昂狀○予分寄川西詢諸有司議戶軍曰夫戍軍

昌軍蜀川百姓每見免五十萬丁運實大蘓息然
松茂等州諸羌首領二十年來利得此軍財帛糧餉
致富已潤屋今一旦停廢失其大利必是勾引生羌
詐作警固以恐動我若松茂等州無好都督則此詐
必行旦夕驚固必有發者一發之後警動蜀州朝廷
不知徵兵赴救兵至賊散靡弊更甚伏乞選擇茂州
都督嚴加斥堠乃命御史一人專在按察若有詐妄
即錄奏稱加法以徵其姦庶可久長安帖不然受其
弊者不勝勞瘁已夫蜀川運糧既停百姓更無重役
至於租庸合富府庫今諸州逃走戶口有三萬餘在

蓬渠果合遂等州山林之中不屬州縣土豪大族阿
隱相容徵歛驅後皆入國用其中遊手惰業亡命之
徒結為光火大賊依憑林除巢穴其中若以甲兵捕
之則鳥散山谷如州怠慢則劫殺公行比來訪聞有
人說逃在其中者攻城劫縣徒眾日多誠可特降嚴
加勅令州縣長官與吏人設法大招此戶則劫賊徒
党自然除殄其三萬戶租賦即可富國若縱而不括
以養賊徒蜀州大弊必是未息天恩乞此請乞作條
例括法聖曆元年五月十四日通直郎行右拾遺陳
子昂狀○予分寄川西詢諸有司議戶軍曰夫戍軍

蜀中遺事記 卷之二 二十七
之設蓋謂邊地空虛人烟稀少故今滇彭雙溫等處
抽丁充戍其法誠為至善然歲久月易其中有當調
停者何也戍軍每年九月撥發十月到邊往非死
則病非病則逃毫無實用試言其故蓋彭漢等處風
氣溫和即冬無霜雪而蔬菜俱備豐寒垣風沙慘烈
雖夏不消冰而百物不產以故戍軍到邊寒煖不合
餘食不調多生疾病當有司促迫上道哭別父母妻
子若永訣者至殷寔之戶強壯之丁多有展轉窺避
惟無告窮民不獲已就列或又闔戶共催一乞丐無
賴之徒以充數比及到邊身無完衣腹無飽食囊無

無半粒手無寸鐵奄奄扶杖而行致使番夷倚山而
笑曰戍軍來也病者病死者死逃者逃邊隘曾不得
借其一臂之力嗟似此景象在安常處順猥云有
餉有兵倘一旦羗夷窺逞而欲其斬將搴旗捷伐用
張得乎是至苦者莫若戍軍至無用者亦莫若戍軍
也然則奚術而可亦惟是裁省抽發召募土著乃為
常勝之兵烏何也茂豐不產五穀不養蚕桑人所為
命者惟恃軍餉耳且如五口之家須應軍二名方得
溫飽不然而應軍一名且見菜色如無軍可應則無
生可度動見逃竄如今之灌鄂漢廣行有茂豐逃

民蓋以此也。倘以職言為不謬，將戍兵之糧召募士著之民人，有糧人，可兵不出三年，逃避者必回故里。地方之集聚日益衆，邊塞之軍兵日益精，在平常無事足以壯國威，苟一旦臨戎，則人自為家，自為守，可必其用命在內地，無戍軍之苦。在邊庭有敢勇之卒，竊意羌番雖狡，亦無所用其謀矣。職書生也，不敢言知兵，但此明白易見，斷乎其可行者。通安宜民是在今日耳。隨經移會該道轉行成都府、茂汶、保灌等州縣回覆，間適予署司篆，看得戍軍之議或因或革，非止一次。每盈庭不決者，蓋由行月二糧全

改半改未得其肯綮故也。何則？月糧者祖軍之額，不可移動者也。行糧專為更番戍守設耳。若免其戍邊而不動其月糧，則人皆樂從矣。且衛所得裕差操之役軍戶永免津貼之累，而所利更廣矣。查威茂一帶班軍以三十六七等年計之，各該一千二百餘名。折支司府民屯實米并布花銀共五千五百二十餘兩。此其大較也。合無比松邊例裁去班軍前項銀兩支發該邊自行召募，每名工食每日給銀二分，共募兵七百七十名，與主軍分認地方差使，不得紊亂。仍附官兵會計之後發請，不得別立名色增補。是尺藉雖

稍虧而邊方得實用也時如議行之、曹學佺曰戍軍裁革已三年矣而求復者未嘗一日忘焉蓋不便于將領之峻削及主軍之陵虐耳而上之人不為動也欲動之必如必如陳子昂所云句引生羗詐作警固者有一言破之良家子弟不足雄邊必外未容作乃習戎事防秋死別一戍數年來歲生還什無四五前備兵使者未純之言可念也○疊溪古氏羗地漢為蚕陵縣屬蜀郡晉屬汶山郡郡後周置翼斜郡隋初廢郡以縣屬會川大業初屬汶山郡○寰宇記唐武德元年後改汶山郡為會川領翼水左斜翼封凡三

縣其年即以三縣置翼州五代至宋元皆為羗人所據不置州縣本朝洪武十一年平羗始置疊溪右千戶所隸茂州會衛二十五年改守禦軍民千戶所○其地東西廣六十五里南北袤九十五里東至麓牛山五里西至黑水生番六十里南至茂州界三十里北至松潘界六十五里○圖經性獷勇悍不習詩書近染聲教習尚衣冠遠者不通漢語衣皮褐表不棺而火化耐飢寒疊石為礫以居所名本此其土產犛牛毛毯酥油射香、豬白蜜犏牛馬鷄○其山北有陵蚕東有犛牛南有柵柵東北有峰各去所城

五六里城西三里即浸江也源出松州與黑水合流入茂州城南有玉津泉甃以錢瓦接引至城下居人汲之不竭有古積雨臺今為觀在治南有石輪寺沿崖皆佛相志云唐貞觀中李將軍廣所鑿也在治北四里○廢翼州城在治南寰宇記云唐武德元年置取郡南翼水為名六年自左封移州治於翼斜咸亨三年置督府移就悉州城內上元二年罷都督移還舊_治天寶元年改為臨翼郡乾元元年復為翼州○廢蚕陵縣在治北漢治蚕陵縣屬蜀郡莽改為步昌也寰宇記衛山縣本漢蚕陵縣地註漢書蚕陵故城在

翼州翼水縣西有蚕陵山隋改為翼斜縣治七頃城唐貞觀十七年移理於七里溪二十三年以英國公李世勣為疊州都督天寶元年改為衛山縣又曰翼水縣亦蚕陵縣地隋初置取縣西南翼河為名按後周之龍水縣隋改翼水：在所治南五十里一出松潘一出黑水翼如也即汶江矣○廢悉州城在治東南四十里唐顯慶三年割左封縣界內悉唐川因立為悉州領悉唐左封識白三縣以羈縻羌人其首領有董係北射任刺史自後射卒以左封縣令董俱悉凍任刺史兼勅以父死子繼咸亨元年移治左封載

初元年移治匪平川。○廢左封縣址。司志州寰宇記云左封縣本屬冀州在當州東南四十里唐顯慶元年乃於縣治悉州焉。○歸城縣唐垂拱二年置廢真州唐天寶五載分臨冀郡之昭德鷄川兩縣置昭德郡乾元二年改為真州取真符縣為名其一曰真符縣唐天寶五年分鷄川昭德二縣置真符縣州所治也其二曰鷄川縣唐先天二年割冀州冀水縣置天寶五載改屬真州其三曰昭德縣舊識白縣屬悉州天寶元年改屬冀州仍改名昭德縣五載改屬真州按通典有鷄川昭德二縣唐書云開生獠新置即不

述年月今茂州鷄宗關名本此地亦相近。○四夷攷曰疊路生番最惡而五巴豬為尤甚牛尾麻搭楊柳麥兒次之凡四十八寨其地南連黑苦西通黑水北接松潘頻年虜去漢人多賣入黑水加兵征之即逃入黑水黑水蓋廣饒之地遠近莫知其所紀極也。○志云疊溪千戶所領長官司二曰疊溪司在治北一里曰鬱即在治西十五里疊溪郁氏洪武十年以上酋歸附世其官永樂中頒結印信除流官吏目一員凡三年貢馬四匹今長官郁孟賢轄河東熟番八寨皆大姓及馬路小關七族土舍郁從智東河西小姓六

寨此六寨素臬點地土廣遠牛羊裸露積名雖熟
番與生番等耳。鬱即長官噉保萬曆十八年與黑
水松坪攻我新橋明年伏誅先是漢閔墩附近勒骨
諸小姓屬於鬱即至是改屬郁氏。新堡附近為巴
豬大寨衆逾千數其人形如魍魎性喜點盜雖受歲
賞月狼糜耗而已自嘉靖二十三年以來屢徑渡河
虔劉我官軍攻掠我城堡稔惡不悛教將賈盈議者
欲於舊閔腦搭橋進兵及馬路堡後長寧沙壩潛師
遠其後上下夾攻可大創也。永鎮堡附近為牛尾
寨萬曆八年十二年與麻搭濟惡頗肆殺掠十四年

征之逃入黑水獻出番牌投降埋奴為誓乃免。太
平堡附近為楊柳溝河西強種也與松潘之大小耳
別同枝向稱猾狎萬曆十四年征之不獲後四年乃
糾松坪白泥黑水三千餘番同臨新橋十九年復大
征亦埋奴求免

灌縣 汶川

西邊志云灌縣獠澤閔景泰七年立去董卜韓胡可
千里番民至閔市易唯大黃茶葉而已去閔七十里
為慝龍閔加渴瓦之地也。加渴瓦寺亦董卜韓胡
支派正統中調征草坡宣慰司遣僧銜南列思巴來

赴賜號崇教翊善國師給勅印使分守摩多集塔藏
裏舊寺等十三寨都綱麻喇者成化間孟董梁黃之
亂調發協征遂就汶川塗裏山巔居烏國師久未承
襲以土舍護印而已獠澤等閑是其認守○汶路生
番惟草坡鷲點有三寨在河西山外一徑通董卜宣
慰一徑通孟董梁黃向以假道騷動十八年征之始
震警輪蓋蒞於汶川敢約束於寒水矣○寒水土巡
檢司高氏其先曰銀兒直隸霸州人洪武七年授職
防守河西住蘓村寨三年貢馬二匹正統七年草坡
攻汶川司印為所劫景泰間重頒授之調征龍溪卜

南諸寨屢立戰功隆慶間草坡復攻破蘓村寨遂移
住河東

蜀中邊防記卷之二終

圖書

古今圖書集成
卷之三
三

